

## **Stret Fasin blong planem Nangai**

1. Stret spacing blong planem Nangai emi 8m x 8m. Yu save planem wetem kakai or em wan nomo.



2. Nangai hemi gro long ples we I drae.
3. Nangai tri I kat fes frut blong hem taim I gat 7 yia nomo. Mo timba blong hem I redi taim tri I gat ova 25 yia.
4. Nangai tri I no nidim pruning (katem aot ol fes branj) be yu save mekem tinning (katemaot sam spos ol wud I fasfas tumas)

## **Faenol prodak**

Yu save mekem mani long nut mo timba..

**Sapos yu wantem moa infomesen  
long Waet wud yu save  
Kontaktem Dipatmen blong  
Forestri long Vila  
or luk ol Forest Ofisa long Province  
blong yu blong oli save helpem yu.**

**Address blong mifala I stap andanit  
long pepa ia wetem telephone namba  
blong Dipatmen.**

**Forest Department  
PMB 9064  
Port Vila**

**Phone: 23171/23856  
Fax: 23856  
E-mail: [forestry@yahoo.com.vu](mailto:forestry@yahoo.com.vu)**



**Stret Fasin blong  
Planem Nangai**

**Dipatmen blong Forestry I prodiusum  
liflet ia wetem faenensial sapot blong  
NZaid long saed blong woodlot trening  
mo neseri manejmen**

## Stret taem blong Nangai frut I redi



Frut blong Nangai I redi long manis blong Octoba kasem January long evri yia. Afta yu save kontinu blong harvestem long evri yia kasem ova 50 yia.

### Hao blong jekem se frut I redi?

1. Jekem se kala blong frut I redi mo skin I black gud.
2. Kolektem ol frut we oli fuldaon raon long Nangai tri.
3. Kolektem ol frut we oli jas foldaon nomo Andanit long Nangai tri ia mo no kolektem olgeta we oli bin foldaon long taim mo oli fas long graon I stap from samtaem kwaliti blong nut blong olgeta ino gud mo I save tekem long taim tu blong gro

## Hao nao bai yu tritim ol sids afta we yu kolektem



1. Fulumap ol frut blong Nangai insaed long wan klin bag blong rice mo livim I stap koko kasem taim we bai skin blong olgeta I stink.
2. Taim skin I sting, washemaot gud ol skin ia kasem we ol shell nomo I stap. Putum ol sids long wan klin ples blong mo livim ol drae.
3. Nangai I no nidim spesel tritmen o germinesen box be, yu save berem stret nomo I ko long kraon.
4. Ol Nangai sids ia bae oli stap long kraon long 2-3 wik bifo oli save gro.

## Stret fasin blong lukaotem ol sidling long neseri



1. Blong miksim kraon, karem 2 bak kraon mo wan bak sand bij mo miksim gud bifo fulumap long germinesen box. Mekem sem samting long kraon we blong fulum insaed long ol plastic.
2. Wotarem ol sids evridei blong mekem se kraon I Wetwet oltaem.
3. Afta 2-3 wiks ol sids I stat blong gro mo taem oli gat 2 lif yu save karemaot mo planem long stand aot bed. Pulumao eni kras we I gro insaed long plastic blong mekem se I gat inaf kakai long graon blong sapotem ol sidlings nomo.
4. Livim ol sidlings long stand aot bed blong 3 manis afta karemaot lif kokonas o krin net mo livim I stap long open spes we I save risim sunlait blong narafala 3 manis bifo yu save planemaot long fil.